



## ԱՐԵՎԱԿԱՆ ԱՊՈՍՏՈԼԻ ԱՐԵՎԱԿԱՆ

ARMENIAN APOSTOLIC CHURCH OF AMERICA  
E A S T E R N   P R E L A C Y - 138 East 39<sup>th</sup> Street, New York, NY 10016  
Tel: (212) 689-7810, FAX (212) 689-7168, e-mail: email@armenianprelacy.org

14 Յունիար, 2015  
Թիւ՝ 03/15

### ՇՐՋԱԲԵՐԱԿԱՆ ՀՈԳԵՒՈՐ ՀՈՎԻԻՆԵՐՈՒԽ ԵՒ ՀՈԳԱԲԱՐՁՈՒԹԵԱՆՑ

Միրելի Հոգեւոր Եղբայրներ եւ Հոգաբարձուներ,

Հայոց Ցեղասպանութեան 100-ամեակին առիթով ձեզի կը փոխանցենք կարգ մը անհրաժեշտ տեղեկութիւններ՝ առ ի գիտութիւն, եւ հրահանգներ՝ առ ի գործադրութիւն:

1.- Ամերիկայի Միացեալ Նահանգներու էջմիածնական եւ Կիլիկեան Արեւելեան եւ Արեւմտեան չորս առաջնորդանուներու հովանաւորութեամբ Ուաշիկնթընի մէջ տեղի պիտի ունենան գլխաւոր չորս ձեռնարկներ, Մայիս 7, 8 եւ 9, 2015-ին, գլխաւորութեամբ եւ մասնակցութեամբ Ամենայն Հայոց Կաթողիկոս՝ Նորին Սուրբ Օծութիւն Տ. Տ. Գարեգին Բ. Հայրապետին եւ Մեծի Տաճի Կիլիկիոյ Կաթողիկոս՝ Նորին Սուրբ Օծութիւն Տ. Տ. Արամ Ա. Հայրապետին:

Խնչակա կցուած յայտարարութենէն ի յայտ կու գայ, հետեւալներն են Ուաշինկ-թընի մէջ տեղի ունենալիք ձեռնարկները.-

ա) Կրօնական եւ Քաղաքական ղեկավարներու ներկայութեան արարողութիւն մը Հինգշաբթի, Մայիս 7-ի երեկոյեան ժամը 7-ին, National Cathedral-ին մէջ, նախագահութեամբ Վեհափառ Հայրապետներուն եւ ներկայութեամբ Հայաստանի Հանրապետութեան նախագահին՝ Նորին Վահմութիւն Պրն. Սերժ Սարգսեանի:

բ) Երաժշտական երեկոյ, Ուրբար, Մայիս 8-ին, բարձր մակարդակի վրայ ներկայացնելու համար հայ երաժշտութիւնը իր անցեալով ու ներկայով, Music Center Strathmore-ի մէջ:

գ) Հայրապետական Սուրբ Պատարագ, Անարատ Յղութեան տանարին մէջ, Շաբաթ, Մայիս 9, առաւօտեան ժամը 10-ին:

դ) Երախտագիտութեան նաշկերոյք, Վեհափառ Հայրապետներուն նախագահութեամբ, Շաբաթ, Մայիս 9, երեկոյեան ժամը 6-ին, մեծարելու եւ երախտագիտութիւն յայտնելու բոլոր անոնց, որոնք յետ եղենեան շրջանին օգտակար հանդիսացան, նեցուկ կանգնեցան եւ օժանդակեցին հայ ժողովուրդին:

Մեր ջերմ թելադրութիան է, որ մեր Թեմի բոլոր համայնքներէն ներս յատուկ աշխատանք տարուի ներկայ գտնուելու վերոյիշեալ ձեռնարկներուն եւ վկաները դառնալու 100-ամեակին առիթով կազմակերպուած բացառիկ հանդիսութեանց:

Պանդոկի համար դասաւորուած է յատուկ սակ մը՝ 159.00 տոլար, Marriott Marquis-ի մէջ: Կարելի է համակարգչով կապուիլ հետեւեալ հասցէին – [resweb.passkey.com/go/441f5d02](http://resweb.passkey.com/go/441f5d02):

2.- Ապրիլ 26, 2015-ին առաւօտեան ժամը 10:00-ին, Ս. Վարդան եկեղեցւոյ մէջ տեղի պիտի ունենայ Միացեալ Պատարագ, որմէ ետք ժողովրդական հաւաք նիւ Նորքի Times Square-ի մէջ, կեսօրէ ետք ժամը 2-էն սկսեալ:

Այս առիթով New England-ի եւ Mid Atlantic-ի եկեղեցիներէն ներս պատարագ տեղի պիտի չունենայ՝ եւ անհրաժեշտօրէն ամէն նիգ պէտք է կատարուի մեծարիւ ներկայութիւն ապահովելու համար հրապարակին վրայ:

3.- Ապրիլ 23-ին, առաւօտեան ժամը 10:15-ին, (Երեւանի ժամով 19:15-ին) կենդանի հաղորդում պիտի կատարուի Երեւանէն, սփոնով սրբադասման արարողութիւնը Ս. Էջմիածնի մէջ, նախագահութեամբ՝ Գարեգին Բ. Ամենայն Հայոց Կաթողիկոսին, Արամ Ա. Մեծի Տաճան Կիլիկիոյ Կաթողիկոսին, եւ մասնակցութեամբ քարձրաստիթան հոգեւորականութեան եւ պիտական անձնաւորութեանց:

Այս հաղորդումը պիտի կատարուիլ Ամերիկայի կարգ մը Քաղաքներուն մէջ, մանրամասնութիւններու եւ հաղորդումի թեթևիք բաժինին մասին կարելի փութով կը տեղեկացնենք ձեզի երբ յստակ դառնան: Մեր ակնկալութիւնն է որ որոշուած եկեղեցիներու կամ սրահներու մէջ մեր ժողովուրդը միահամուռ հաւաքուի, նկատի ունենալով որ մեր հաւաքներն ալ փոխադարձարար պիտի ցուցադրուին Հայաստանի մէջ:

Հայրական սիրոյ ջերմ ողջունիւ,

Աղօթարար՝  
  
ՕՇԱԿԱՆ ԱՐՔԵՊԻՍԿՈՊՈՍ  
Ա. Ա. Ա. Ա. Ա. Ա. Ա.  
Ամերիկայի Արեւելեան Թեմին